

续断草诗稿

续断草 著

一九九四年一月

续断草诗稿

续断草著



121 1006166

一月

前 言

幼年时期，曾矢志写日记。旋于日记中间以诗作。渐觉意趣横溢，遂习以为乐。惟起初所写多为白话诗，后因家藏先父遗存旧诗较多，复读当时报刊旧诗名作，引起极大爱好，习作较多。自己认为诗体虽云旧，仍可达不失时代呼声的愿望。惟由于当时生活之颠沛，日记中之诗作，乃多愤世之句，即有寄兴于山水者，亦不乏牢骚情绪。千篇一律，浑无新韵。

更由于自己囿于乡隅，耳濡目染者，无非是乡风俚俗的新陈代谢，无非是庙堂大仙及土地菩萨的“德政”。由于自己认识上的近视和色盲，纵有褒贬，亦难免管中窥豹，得之者少而失之者多。

更因青年时期，性情傲岸，胸无丘壑，牢骚满腹，溢于言表，而引祸端。乃后有诗作，均未敢示人。

就在自己战战兢兢之余，亦难免旧社会捕风捉影之嫌，致所写日记及诗稿，于仓皇中投之于火或溺之于水者三次。更因生活之纷繁，世风之披靡，国势之蜩螗，认识之局限，思想之余悸，怵然而弃之者亦复不少。甚乃噤若寒蝉，未敢贸然写作。即有一二难舍之什，多藏之亲友处，然亦流失较多。甚有亲友惧于祸乱为余代毁者，殊堪浩叹。致所余诗稿，或年有一二，或数年无一。

时至暮年，喜见大地回春，虽有感于早年所毁诗作，已

成覆水。然亦心胸豁然，写作较多。无何衰老逼人，病苦床头，虽欲补偿昔日之遗憾，亦恐不可多得了。惟将所集残稿编辑成册。因内容多失联系，故暂以《续断草诗稿》名之，亦寓草芥之意罢了。尚有言者，所得残稿，一瓦一石，得之犹艰，乃幼稚之作，悉未筛选。更因数年苦病，濒于生死边缘，既无时间，也无精力芟削。句多芜俚，亦忝列成篇。愧怍之余，仅留作雪上指爪，以遗子孙及赠亲友而已，若蒙亲友斧正而增教益，曷胜铭感！

续断草写于重庆病榻

1994.1.20

目 录

对 菊	1	游北温泉	10
将雏吟	1	贺半酣花朝华诞	10
七 夕	3	书 感	10
赠神猫道人	3	毁家诗纪	11
闻神猫道人返“上清观”	4	焚日记	11
救亡巡回宣传队走四乡	4	夜 归	12
送一夫之陕北	4	避难戚家除夕有感	12
感 时	4	绝望中闻捷报	12
悼堂弟盛学	5	双桂场解放	
寄 燕	5	放歌	12
哀义勇壮丁	5	五〇年元旦放歌	13
苦 别	6	剧场偶成	13
宿活石井	6	歌尧世	14
宿长寿水码头	6	农民分果实后讲话诗	
嘉陵江滨夜宿	6	以代笔	14
日寇空袭重庆	7	枯井吟	14
过铜锣峡	7	洗 礼	17
秋夕感赋	7	谒杜工部草堂	17
归途抒怀	8	重游北温泉	17
重过忠县龙居寺	8	斋心篇	18
乡行书见	8	鸣金曲	18
即即吟	9	灾年纪行	18
		牛棚纪事	19
		悼胞姊崇芳	19

题裴江大桥	20	步渊如《有感》一章	27
脱 险	20	赏 菊	28
悼女儿贤志	21	示子媳完婚	28
腊尽书怀	21	撰先烈逸事感成二绝	28
除 夕	21	壬戌中秋喜值国庆而是	
述 怀	21	夜无月	28
戏 题	22	劝退书感	29
下中秋无月	22	示子戒烟酒并加强锻炼	29
上纪 梦	22	壬戌除夕	29
六句感赋	22	新春会饮	29
悼周总理	23	宫墙纪事	30
暮春抒怀	23	重 逢	30
悼毛主席	24	为斗禾八旬庆寿	30
闻粉碎“四人帮”		奉和斗禾八旬自寿诗	
口占二绝	24	四章	31
岁末有感	24	喜育孙女	31
母亲逝世三十周年	24	冬日早练	31
贤也儿逝世二十周年	25	农村新貌	32
忆 梦	26	垫邑八景新咏	32
梦后偶成	26	寄岭梅	32
步易夫尧庚兄步《梦		送 春	33
后偶成》二章	26	七句述怀	33
悼元勋	27	志谢诸友介寿	34
元旦抒怀	27	孙女周岁喜赋	35

秋闻蝉鸣寄虚白、渊如、灵枢	36	杞忧之二	46
重九文化馆招饮	36	洒扫缀句	46
哀豆蔻	36	闻折狱	47
秋节次夜赏月	36	芟夷戏题	47
双溪桥览胜	37	自遣	47
奉和渊如自寿诗四章	37	春日过中咀寨	47
戒酒六章	37	编《垫江文化局志》	
观盆景	38	感赋	48
丙寅除夕	38	杞忧之三	48
破酒戒戏作	38	杞忧之四	48
扫父墓	39	平暴纪录片观后	49
七十有二生日偶成	39	参观董世族画展	49
端午竹枝词	39	国庆四十周年 遭车祸	49
喜得邓长举老师墨宝	39	诗书画会书感	50
拈笔偶成	40	病中断想	50
杞忧之一	40	病中示儿孙	51
九日	41	病情缓解	51
为收复港澳和谈成功志庆	41	《祖国国土》读后感赋	51
乡俗谣	42	喜读肃贪报道	51
夜练	45	喜读廉政建设报道	52
访肖泽民君	45	超编吟	52
奉和泽民老师绝句	45	报论开现场会增其意	
春节遣怀	45	为二绝	52
春日杂感	46	《晋江虽富不忘艰苦	
赠纸鸢	46	创业》读后	52

春芳杂感	52	放 歌	59
赞艺术大师王兴奇角雕	53	寄台州族弟	59
题漫画之一	53	病情第千次缓解	59
题漫画之二	53	卧床欲知天下事	60
季子调职重庆首途	53	读关于文化报道之新	
徙居渝州	54	闻二则	60
临别寄诸友	54	咏 史	61
自 嘲	54	红楼二三咏	62
《题风云预报册》	55	喜读《邓小平文选》	
病情第二次缓解	55	第三卷	63
赞“光明使者”	55	喜迎宗恒老友莅舍	63
赞采煤大王	56	志谢宗恒老友篆刻印章	63
《抗洪英雄谱》赞	56	为诗稿题字	
客居拾零	56	附 录	
访程宗恒同志	57	打麻者	64
读《政协之友诗刊》《香国		数 啊	64
邈诗刊》感赋	58	梦	65
参观江北区老年书画研究会		雾	66
迎接十四大召开书画展	58	镜	66
无 题	58	蚕	66
参观重庆老年书画会迎接		燕 子	66
十四大召开书画展	58	无 题	67
孙女八岁生日宴小朋友	59	小 桥	67
赁 居	59	古 寨	67

对 菊

1931年

人生何所乐？	乐莫爱花人。
花中艳与素，	解语各含情。
我爱秋之菊，	菊亦不嫌贫。
十千沽酒去，	酒来对花吟。
吟罢花语我：	“汝父亦爱吾。
田宅开三径，	菊篱间圃蔬。
往来联彭泽，	日夕把玉壶。
契我傲骨影，	催诗乐有余。
无如罹教祸，	含恨登天域。
汝叔尚富贵，	弃我如落瓠。
园林既无主，	痛也我亦枯，
而今汝爱我，	感念旧情乎？”
听后我无语，	涕泪洒纵横，
堂前谁曾扫，	蓬门已凋零。
花开花谢无人问，	草长草衰任乘除。
寄语菊花尔勿虑，	吾锄吾溉如其初。

将 雏 吟

1 1932年

劫年告不辰，	灾难转相侵。
燕雏悲失怙，	举翅苦弱翎。
慈母怀舐犢，	誓不出帏庭。

一门痛孤寡，
叔婢乘相侮，
纤纤此幼苗，
庠序业未卒，
一朝梦华胥，
怜及侄儿女，
择吉年初后，
尤恐失照应，
旅次恐劳顿，
乘舆复买棹，
离乡背井日，
重庆繁华地，
未几囊如洗，
家信连朝发，
举目无亲旧，
遥遥山连水，
况复乡关险，
待知残毒计，
天为鸣不平，
慈母心忡忡，
朝夕为人炊，
勤劳无喘息，
残夜苦饥寒，
嗷嗷相饮泣，
乘隙乞乡贾，

顾影叹伶仃。
生计益凄楚，
何堪动刀斧。
随母艺园圃。
叔婢意转娱，
十龄误居诸，
赴渝课新书。
嘱母共首途。
解囊应所需。
一帆送江渝。
倏忽万事殊。
进退欺乡愚。
饥馑在须臾。
如沉大海隅。
奔走空号呼。
旦暮苦踟蹰。
步步虎狼区。
号啕痛切肤。
地为悲无辜。
扑迫寻作佣。
夜犹为人缝。
尚嫌礼未恭。
更值雨兼风。
一命若哀鸿。
眼白耳亦充。

幸有守门老，	怜及妇与小。
倾囊相扶助，	九死出泥沼。
亡命始言归，	正值春节晓。
叔婶正团聚，	香烟何袅袅。
席上间鸡鱼，	盘中参与枣。
嘻笑满庭院，	子女在怀抱，
顾我忽归去，	始惊终亦恼。
睥睨如路人，	恣睢命洒扫。
残羹复冷炙，	守亥还迎卯。
转瞬二月初，	逼迫分门间。
计诡攫膏腴，	孤寡伴村墟。
村墟何所怜，	孤寡意自虔。
恨海几时尽，	敢劳精卫填。
勤劳以克柔，	刚强志弥坚。
自祝毛发健，	立业待春还。

(1) 将雏：挈子而行也，叙述母亲养育子女情况。

七夕 1932年

七月七日夕，	牛女唔相泣。
惨话离别事，	行将又别离。

赠神猫道人 1935年

万家罹鼠患，	何幸降神猫。
额手中宵靖，	欢声动市朝。

闻神猫道人返“上清观” 1935年

善果今云满， 云归万里翱。
神猫已遍布， 宵鼠正难逃。

救亡巡回宣传队走四乡 1937年

神州一统庆云开， 忽报边烽动地来。
责在匹夫无旁贷， 力救唤醒全国树雄恢。
救亡歌曲声声泪， 还我河山处处雷。
誓洗芦沟桥畔血， 同仇敌忾鼓频催。

送一夫之陕北 1938年

寒风何凛冽， 慷慨事长征。
乐结工农伍， 猗欤子弟兵。
一腔挥热血， 前路扫荒榛。
额手先锋去， 关河万里情。

感 时 1938年

高嘶“焦土论”咻咻， 黄胄岂甘作楚囚。
半壁河山坚统战， 连天烽火忾同仇。
平型关捷光中复， 淞沪城颓丧九州。
八路麾师孚众望， 声威指日震寰球。

悼堂弟盛学 1939年

忽悲噩耗溯前因，	谁借征丁计杀人！
忍教天涯抛骨肉，	长遗老小泣酸辛。
姻翁犹笑封侯志，	泉让空怀抱恨身。
怅望夔门无限恨，	何堪涕泪洒衣襟。

寄 燕 1939年

燕燕随春至，	欣欣自觅津。
低檐无旧侣，	高阁又新邻。
为恨今时冷，	宁忘昔日亲？
海滨巢未定，	借宿何嫌贫。

哀义勇壮丁 1939年

入夜乡兵似虎狼，	坐岗寻点攫羔羊。
擒龙最是新婚夜，	多少娇娘哭洞房。
当方土地喜洋洋，	燕享香烛日夜忙。
卷卷兵书原无字，	旋擒旋纵庆私囊。
喧天义勇未符名，	日系樊笼夜禁门。
更是鞭声摧肺腑，	俨如庖俎解鸡豚。
盈室百丁痛劫灰，	芸芸席地坐 ^隱 黥。
何堪咫尺人遗矢，	日夜腥膻扑鼻来。

三餐羹粥杂糟糠，	长夜辘辘泣断肠。
丁壮奄奄如饿莩，	犹传指日戍边疆。
儿郎一去恨绵绵，	多少爹娘夜不眠。
望断云天千里雁，	死生谁寄半行笺。
十丁九壮尽芝兰，	未赴沙场尸已寒。
试问将军樽俎际，	曾闻敌寇更腾欢。

苦 别 1940年

三日匆匆作主人，	一程山水一风尘。
何堪稚事牵襟送，	终是依依行路心。

宿活石井 1940年

夜入孤村未解醒，	疏灯几点似多情。
清风一枕忘羁旅，	如梦恍闻寺鼓声。

宿长寿水码头 1940年

又傍沙湄几作邻，	似曾相识不相亲。
往来渡口逐流水，	都是离乡背井人。

嘉陵江滨夜宿 1940年

第二故乡何所觅？	夜来人静浪花寂。
关心忍视去年楼，	半是灯光半瓦砾。

日寇空袭重庆 1940年

暗约澶渊更晁旒，	连朝空袭荡金瓯。
云天睽睽恭迎送，	敌弹倾盆礼更优。
狂轰次第撼巴城，	遍地硝烟血肉横。
烽火隔江高处望，	黄山犹自显峥嵘。
陪都万载有遗名，	半壁三军未请缨。
纵有千家埋死难，	楼台樽俎又昇平。

过铜锣峡 1940年

轻舟趁我发朝行，	一线寒空接晓征。
浪卷长河天欲啸，	风搏绝峡地犹鸣。
层留崢嶸追前代，	不尽江流似此身。
怜我自来仍自去，	涛声不住送归程。
连夜巴城警报鸣，	百万生民梦魂惊。
昔年天堑今安在？	此日空防枉具名。
试听涛声悲蜀道，	空留遗事话雄兵。
横波直渡汤汤水，	万里关河万里情。

秋夕感赋 1940年

风雨秋夕苦年年，	又是阴霾八月天。
驰目河山悲破碎，	怜谁糕饼梦团圆？

曾闻诸夏杀家鞑， 何忍后庭乐管弦。
应是蟾宫同抱恨， 不教千里共婵娟。

归途抒怀 1940年

曾说壮年漂泊好， 山川与尔抒怀抱。
年年沦落复年年， 谁惜鬓同秋色老。

重过忠县龙居寺 1941年

龙居烘晚照， 瞻念更前趋。
古道情犹热， 残楼梦已殊。
未知今日事， 仍似旧时乎，
十里松涛响， 怆然过此隅。

乡行书见 1941年

逼娶阿娇仗土豪， 日捉阿弟赴临洮。
残宵母女悬梁尽， 宁死犹贞万古褒。

女至他乡远客程， 黄昏盘詰尽乡兵。
夜闻号泣声声惨， 晨有血尸露体横。

早年饥馑树皮光， 遍掘观音土作粮。
肠断千家贫贱死， 豪绅犹笑降祸殃。

即 即 吟 1941年

山南有董生，	家道乐清贫。
府贵书香后，	教子更淳淳。
年少希贤圣，	尚不辱柴门。
何如坎坷际，	上下无显亲；
何如登龙虎，	三代无令名。
仆仆二十余，	等闲秋与春。
蓝田空有玉，	几度失良辰。
幸有寒家女，	愿与共箕杵；
女坚庠序志，	入学曾共举。
荏苒复荏苒，	三经寒与暑。
羽翼初云丰，	志趣各西东。
奢靡为所尚，	富贵为所衷。
今朝竞时装，	速卖麻与桑，
翌日倾百钱，	输与购琼浆。
虽终结伴侣，	百年似黄梁。
昔作怀春梦，	梦债无人偿。
非彼鸣高论，	箇中有分寸：
东家月才圆，	劳燕忽分散；
西家花正浓，	风霜袭藤蔓。
悉以无穷乐，	换取无限恨。
粉脂终骨骸，	为君再三劝。